



# PREZIDÉNSIA KONSELLU MINISTRUS

V GOVERNUN KONSSTITUSIONÁL

DÍLI, LORON 13 FULAN AGOSTU TINAN 2013

## KOMUNIKADU IMPRENSA

### **Sorumutu Konsellu Ministru nian iha loron 13 fulan Agostu tinan 2013**

Governu Konstitusional da-V hala'o sorumutu ida tersa-feira ne'e, loron 13 fulan Agostu tinan 2013, iha sala sorumutu Konsellu Ministrus nian, iha Palásiu Governu, iha Dili, no aprova tiha ona:

#### **1. Rezolusaun Governu ne'ebé mak aprova Efektivu Anuál atu Inkorpora iha F-FDTL**

Konsellu Ministru aprova ona Rezolusaun ne'ebe aprova efektivu anuál atu inkorpora (halo parte) iha F-FDTL ba tinan 2014.

Rezolusaun ida ne'e mosu tanba iha nesesidade atu kumpri objektivu hirak ne'ebé estabesele ona iha orientasaun estratéjika sira (Forsa 2020), ne'ebé mak prevee efektivu sira na'in 3600 (rihun tolu atus neen) to'o iha tinan 2020, hodi defini katak efektivu anuál ne'ebé atu inkorpora iha tinan 2014 mak feto/mane na'in 500 destinadu ba klase Prasa.

#### **2. Dekretu-Lei ne'ebé Aprova Alterasaun Dahuluk ba Dekretu-Lei ne'ebé Aprova Estatutu Karreira Dosente Univeritéria nian**

Ministériu Edukasaun hetan ona aprovasaun ba Dekretu-Lei ne'ebé aprova alterasaun dahuluk ba Dekretu-Lei n° 7/2012, loron 15 fulan Feveiru, kona-ba Estatutu Karreira Dosente Univeritéria nian.

Rejime progresan iha kareira dosente ne'ebé kontempla iha diplona ida ne'e, konsagra regra kritériu nian lubun ida, atu hetan fiar, hanesan promosaun ba korpu dosente ne'ebé exelente, instituisaun ensinu superiór nian sira no sistema ensinu superiór timoroan nian rasik, públiku no privadu.

Alterasaun dahuluk ne'ebé aprova ona liu-liu, kona-ba iha kategoria profisionál rejime karreira nian, iha rejime husi omologasaun ofisiál, iha prosesu sertifikasaun dosente universitériu nian atu hetan



Palácio do Governo,  
Avenida Presidente Nicolau Lobato,  
Dili, Timor-Leste

ddndigovtl.09@gmail.com  
(+670) 22 210 608

progresaun iha kareira, tuir kritériu hirak ne'ebé relasiona ho avaliasaun ba dezempeñu dosente sira nian, iha revizaun ba dispozisaun sira kona-ba kálkulu ba saláriu no komplementu sira no mós iha rejime lisensa iha loron sábadu nian.

### **3. Dekretu-Lei ne'ebé Aprova Estrutura Pré-Deskonsentrasaun Administrativa**

Konsellu Ministru aprova ona Dekretu-Lei ne'ebé aprova estrutura pré-dezkontsentrasaun administrativa ne'ebé hato'o hosi Ministériu Administrasaun Estatál.

Dekretu-Lei ne'e estabeselese organizaun no funsionamentu estrutura pré-dezkontsentrasaun administrativa nian sira ne'ebé mak forma hosi servisu perifériku administrasaun direta Estadu nian, iha Ministériu Administrasaun Estatál nia laran, ne'ebé mak hetan autonomia administrativa.

Estrutura pré-dezkontsentrasaun administrativa nia objektivu sira mak atu aseguara, iha nível atuasaun ba área jeográfika sira rasik, implementasaun programa dezkontsentrasaun administrativa Governu nian, promosaun ba aktuasaun koordinada ba servisu dezkontsentradu hotu-hotu Estadu nian no atu apoia teknikamente ba aktividade sira ne'ebé lideransa komunitária tradisionál no organizaun naun-governamentál sira mak hala'o.

### **4. Rezolusaun Governu nian ne'ebé Nomeia Representante ba Projektu Dezenvolvimentu Ekonómiku Integradu**

Hafoin hala'o tiha apresentasaun iha Sorumutu Estraordinária Konsellu Ministru nian, iha loron 29 fulan Jullu, mak Konsellu Ministru aprova tiha Rezolusaun ne'ebé nomeia João Mendes Gonçalves, Ministru Ekonomia no Dezenvolvimentu iha IV Governu Konstitusionál, hanesan representante Estadu Timor Leste nian no xefe Unidade Misaun ba negosiasaun no estabesimentu plataforma kooperasaun no dezenvolvimentu ekonómiku rejionál integradu entre Timor-Leste, Indonésia no Austrália.

Konsellu Ministru mós analiza ona:

#### **1. Levantamentu kona-ba Infra-estrutura hirak ne'ebé mak aat husi alterasaun klimátika sira**

Sekretáriu Estadu Obras Públikas hato'o ba iha Konsellu Ministru levantamentu ida kona-ba ponte no estrada balun ne'ebé, aat tiha tanba alterasaun klimátika sira, no tanba ne'e prezisa halo servisu reparasaun nian ne'ebé prioritáriu.

